



ՆՈՐ ՀԱՅԿԱԿԱՆ ԲԺՇԿԱԿԱՆ ՀԱՆՐԵՍ  
Հատոր 2, համար 2, 2008թ.



www.y-smu.am

## ԸՆՏԱՆԵԿԱՆ ԲԺՇԿՆԵՐԻ ԱՆԸՆԴՄԻՋԵԼԻ ԿՐԹՈՒԹՅՈՒՆԸ ՈՐՊԵՍ ԱՌՈՂՋԱՊԱՅՈՒԹՅԱՆ ԱՌԱՋՆԱՅԻՆ ՕՂԱԿԻ ՈՐԱԿԻ ԵՐԱՇՆԻՔ

**Նարիմանյան Մ. Չ., Մարգարյան Ա. Գ.**

Երևանի Մ. Զերացու անվ. պետ. բժշկական համալսարանի ընտանեկան բժշկության  
ամբիոն, Երևան, Հայաստան

Ընտանեկան բժիշկն ավելի լայն ծավալով գործ ունի ինսամյալի և հիմնախնդիրների  
հետ, քան ցանկացած այլ բժշկական մասնագետ:

Ընտանեկան բժիշկի պատասխանատվությունը պահանջում է որպեսզի նա զարգացնի  
և պահպանի իր գիտելիքները, հմտություններն ու վերաբերմունքը, որոնք անհրաժեշտ  
են իր աշխատանքի համար: Որպեսզի ընտանեկան բժիշկը ընդունակ լինի կատարելու իր  
աշխատանքը բավարար մակարդակով, նա պետք է ստանա համապատասխան  
մասնագիտական ծրագրերի ուսուցում: Այդ նպատակով, ընտանեկան բժշկության  
հետդիպլոմային կրթության գործընթացի համար ստեղծված է միասնականացված  
ուսումնական ծրագիր, որը նպատակաուղղված է ընտանեկան բժշկի ֆունկցիաները  
կատարելու պատրաստակամ կադրերի պատրաստմանը: Վերապատրաստման կուրսերի  
արդյունքում, բժիշկները բարելավում են իրենց ամբուլատոր ինսամյալների սովորական  
վիճակների գնահատման կարողությունները, հետևում կլինիկական ցուցումներով  
թրոնիկ հիվանդությունների վարմանը, հիվանդների արդյունավետ բուժմանը, կիրառելով  
ապացուցված բժշկության սկզբունքները: